

# 驩州風土話

乂安憲憲陳名林遺著

歲逢協洽。月正陬訾。公事方休暇之期。私日起懷歸之念。柳堤促省親之駕。馳驅驛路三千。故園開迎主之花。怡蕩韶光九十。萱堂春益慈色融怡。蘭室香濃。親朋萃集。席上頻斟。頻酌。叙來枌里之恩情。杯前載笑載言。說及驩州之風土。我乃歷叙其所聞所見而言之。古稱驩演。今卽乂安。星野當翼軫之墟。土方正午丁之位。水道過海門十二。乘風而浪沸。兼天陸程經山嶠。萬重計日。則路幾半月。阻山三面。屹爾金城。負海一隅。宛然天塹。烏州南界。虎闖兼禦外之藩翰。牢國西隣。象貢遠來。王之駒驛數百里。而山水人民相半。十餘縣而羈縻聲教齊分。地勢既極於南溟。天氣復殊乎中土。炎皇之火令未到。先季春而火已爍。石流金颶。母之南風未來。經九夏而風每揚。沙折木夏。天不雨。春月繁霜。秋分前流潦水衝蛙生灶而魚生竈。霜降後淋漓苦雨。壁有苔而道有萍。若斯時氣之有偏。是以民風之多異。田稼隨地勢濕原之利。桔槔何用於水車。農器遵田祖採斲之規。未耜均從夫木器。農候喜雨濡蠻拂。田間勤水種火耕。踐犁而耬。寧間高低之田頃。插鑄以破。何愁稂莠之草叢。秋田惟投粟一番。夏隴則立苗兩度。驛苗禾初達。頻疏決以令乾。天天我稼既攘。再倒反而復秀。駱田之農功皆是溪洞之稼事。尤殊其或耦耕而犁並雙牛。指顧一橐亦或不耬而田驅羣犢。蹂躪成泥。東作雖鹵莽厥功。西成亦十千有效。祇恨雨多頻水潦。致比年不有屢豐。猶欣土廣有田饒。纔一登亦臻大稔。農桑之外。技藝甚多。林中許許丁丁。代木子羣居於山口。水上登登閣閣。造船坊遍見於江洲。木局多諳曉之民。商賈易貿通之利。越境而遠商於外國。滿載皆彩帳金鉢。航海而通貨於中都。盈船滿乾榔木板。居山之衆。奢適情於弋獵。近海之人。奢逐利於魚鹽。江湖之客。盡東西魚鮓。

漁舟環乎海口。斥鹵之田無墮畝。煮鹽爐烟鎖於潮頭。海堧皆網罟之村市。上半魚蝦之肆。網兒九隊。皆往來溪渚之散人。江派幾坊。總出入烟波之魚艇。人多巧思。器作淫奇。造漆良工。瑩徹足照人之影。鑄銀巧冶。光寒堪射。斗之墟。網有細粗。結繩就彩。篋無大小。編竹成文。奢靡無曹勝之風。儉約有漢唐之俗。服無文繡。最簡者團團蔽雨之蓑衣。屋用茅茨。甚略者拂拂飄風之竹壁。瀉盤瓢勺。器不奢華。木白竹杯。風從簡古。鄉俗遞年祈福。無留連歌唱之藏闈。小民終歲居思。少聚集遊觀之勝會。冗食少僧尼之衆。妄費希寺觀之崇良善。久習成風。犬噬息穿窬之衆。蠲赦頻蒙大德。雁噉無流散之民。比閭有相保之情。鄉里聽其推之長事。有可會。雖別府別縣而皆通義。苟當爲卽萬口萬心而若一士類。則高激濁揚清之勁節。細民則深炳人益己之謠謀。採瓜緣屋說雌訛。只可狀誑人之智巧。藏斧伐榔言若鑿。但堪形罔衆之機神。男有心肝。女多態度。宋子齊姜誇秀質。紛蜂媒蝶使之慕香。楚娃衛艷宛春情。無雀角鼠牙之連訟。至若民風尙鬼。多緣怪語惑人。元宵前六十老翁。遠慮避巫嘗之鬼使。守歲夜五三童子羣行粘北極之陰符。自非見有高明鮮不移乎習俗。產婦不須方藥。薰來炭火。謂可以逐瘀生新。病家專用史巫。飲去水符云足以除邪療病。事神祈福誠敬多儀。追遠送終。鋪張過禮。路上白旗旆旆。戚禮喪禮之煩儀。野間竹格飄飄。共指富家之新塚。民風雖云朴野。万物尤足希奇。神犀角望月而紋。生夜照鑒通天之彩。野象牙感雷而花。發淵沉堪驅水之邪。仙獸鋪玉質之嫩葺。神犧妙竹文之修角。能言鸚鵡。雪衣妬朱門。綉戶之歌娘。善舞孔鸞。金翠映玄圃。瑤池之羽客。羽毛齒革出類。甚繁鱗介魚蟲。海物惟錯玳瑁。斑鱗如玉。製品成璀璨之花。神龜玄甲有文。照物療吉凶之鏡。蜃介而煅成白粉。蚌心而剖見明珠。波面水花結凝甚異。潮頭石蟹造

化尤奇。物生不少佳珍。地產尤多奇怪。木蜜香名沉水。爲岐衡社風補火之珍丹。紫藤烟可降真。備仙家引鶴醮星之度籙。旁其喬樹味勝天台。牡桂老株香飄月殿。盤虺之龍藤裊裊紅點如粧。化龍之翠竹斑斑紫文如畫。亭亭榔樹村裡成林。灼灼紅花江邊似錦。木耳可供炎饌。石衣堪備嘉羞。又夫庄冊之民多產山林之物。洞洞寨妬妬寨潺潺流怪石之泉。躉躉庄炤炤庄。青青鬱鐵林之木。瓊瑤上伴滿野枲麻。葵鄰地方彌山茹草。花石可供玩好。須尋歸合之溟濛。大材足備營爲。不止東城之萊澗。珍重許多土產。眺遊饒有地名。金顏峯上石巉岩。俗稱是星趨之嶺。盤慶山巔水停蓄。舊傳爲仙出之潭。香積玉潭一壺瑩徹。爪牙寶塔九仞岝崿。沫山古號瓊園。褚童子之庵基尙在。峯嶺近聞天籟。貉雄王之轍跡猶傳。洞陽之光景逼人。天象之清聲絕俗。龍潭開兜率。一重之淨土。風月景清。獅子建寶坊。七頂之舊基烟霞迹古。庵東名刹金殿倚空。白帝上方龍宮醮水。麻姑嶺一巔雲鎖。仙跡虛傳。東門泉三級水流龍津滿。說贊阮鴻嶺疊連天。浩蕩丹崖濤吼地。溯源上藍河一帶舊是龍州。屹流中碧石雙排。人稱魚島。開鑿若專用力。天威港諒不容舟。變遷如不有時。瓦龍崗豈能成路。歷勝地名山而快目。覽前程古跡以興懷。弘禮山木鬱青青。南詔之壘營何在。沙南渡水流滾滾。枚黑之事業空傳。勇決舊三軍駐札之名山。羣木乃夾河戰爭之故地。義烈山伊鄉城彼留國家積貯之資。東西壘何世築斯。起行客黍離之感。嗟往事變遷之相迭。慨古人靈爽以如存。芹海波澄遇者仰聖娘之顯應。句欠柳主祠連起於通衢。仙翁宇一新於周道。白塘鬱萊公之竹。帝子仁遠播于億年。潮口留召公之棠。皇姪德永垂于萬古。花園祠上巨跡宛然。葵澤廟前靈潭瑩若。葛岸祠化龍靈竹。戒人無妄於折栽。杜林潭聽鼓神魚警衆勿輕夫攬動。過仲舍之祠勿仰視。經下游之廟當疾。

趨獨雷祠木樹參天。剪除有禍。義室廟金錢滿地。掘取奚堪。至若泗陽雙女神娘威靈有赫。美興太陽公主顯現尤神。此蓋略舉所聞。其餘不能盡述。客聞予言。喟然嘆曰。五方皆有性。千里不同風。雖聖代盡入於薰陶。帝道王風無所不叶。但民俗各隨其好尚。齊言楚語不能皆同。况驪州邈在遠方。宜風俗有殊中鎮。且有近山而遠海。多生土產之珍奇。至如有誠則有神。是以幽陰而顯應。雖曰風土有異。要皆理勢當然。但驪州產物固多。僅足以供君之笑語。柰憲院歸裝甚少。無有以散我之親朋。是君能見之而不能致之。使我得聞此而不得知此。一啜美談。聊可以送杯後之嘉品耳。因命筆紀其實云。

## 野史（續四）

丁巳天祐元年。莫光寶四年。七月。莫敬典侵清華至神符宋山。峨山地分燒破浮橋。鄭檢使清郡公守峨山。瑞郡公何壽祥守宋山。莫兵不能進。檢自督兵馬潛進安謨山脚。直至海口。賊遇擊之。再襲其後。砲聲連發。上下夾攻。檢使武陵侯弘化人突船衝擊。遇敬典船。奮身跳過。揮劍劈執。蓋軍人爲兩段。敬典措手不及。入水逃去。莫兵大潰。棄船走入山林。敬典僅以身免。入山谷中潛身三日。饑渴殆甚。夜見蕉樹流過谷口。身自抱之。浮覓歸路。數日到安謨江。遇茶須社漁人濟得脫。及還保其人爲扶義侯。莫降將黎伯驪阮倩卒。倩子阮倦。阮俛復返逃歸莫。莫賜倦文派侯俛扶興侯。以宗室女嫁之。鄭檢率部兵五萬出西南中路。至鳳翅江。用浮橋渡江。大破莫兵。俘獲其將慶國公於船上。檢使從軍獻計。後慶反。乃殺之。官軍略定江南下路。膠水縣檢自督部兵。以武陵侯爲前水隊。縱兵大戰。莫

阮倦拒之于膠江。倦與武陵侯大戰。武陵侯先挺身躍過倦船。倦揮劍斬之。武陵侯投水中去。倦急躍過武陵船。斫執蓋人頭。大呼曰。武陵頭在此。汝等如何敵得我諸軍。聞之盡投于水。大衆隨潰棄船山岸。莫兵勝檢急回兵。莫兵截其歸路。軍士多死。戰將死者數十員。

詔改元爲正治元年戊午。

莫光寶五年

檢出兵山南中路。攻其不意。俘獲莫將英銳侯。斬之。檢出南山

上路略地而還。留降將阮凱康鎮守。後莫氏用計。使土人詐降誘之。凱康復叛歸莫。莫人車裂之。檢表端郡公阮潢將兵鎮守順化。以防東寇。檢保族人豐郡公鄭恍提統舉兵。扶郡公黎種鎮清化道。鎮守兵民。潮郡公武師爍安郡公賴世卿等領兵鎮守海門。檢自督大兵六萬餘親。往北征由天關出山西上路。攻略京北各處。駐營順安府。移屯仙遊山。攻破快州洪州南策先興等府。駐兵于覽山南辰官軍與莫將相持。連年不解。莫使其將領兵往京北與檢將拒。而潛遣敬典將兵擣清華至名海門。檢守將師爍世卿等棄營走黎種奔潰。收兵入安場關。萬賴冊檢家屬及諸將家小入翠禪以避之。於是賊勢復大振。侵安場關到萬賴冊將陷府庫。師爍世卿等併力奮擊。連勝數陣。莫兵潰走。官軍乘勝逐北。敬典遂回兵京邑。檢亦回兵清華。

莫福源卒。子茂治立。

改元淳福。

壬戌五年。莫淳福元年。茂治年幼嗣位。以應王莫敦讓入內輔政。抱茂治視朝。九月。檢督兵略定山南路。至青池上。福立大營于山明。十一月。兵回清華。使義郡公鄧訓按守。彰德縣良舍社人。訓因降莫。莫敬典長子敬止陰與敬典妾私通。事覺。降爲庶人。以庶子敬敷爲唐安王。委以兵柄。及敬典卒。莫又以敬止爲雄禮公而不委之以兵。哀牢國主乍斗。使其臣來貢方物。帝使檢以養女歸之。以結隣好。

檢督大兵略定山南。攻破長安府各縣至朱雀門駐兵。鄧訓復率兵詣營門請罪。檢赦之。乃仍其舊爵。復遣出山明懷安與圖進取。檢出西南中路。以其子鄭檜、鄭松從行。兵至長安。攻破嘉遠安謨安康等縣。檢分兵委師。燦世卿等鎮守各海門。又使外甥文源侯固守營寨。而自督軍略山南。茂治勢急。因問退之計。敬典曰：「檢略山南未易。必渡江也。」清華乃彼根本之地。縱彼留兵分守。亦不過一二。將其勢必然虛弱。今莫若進兵與之交攻。以牽其勢。假臣精兵數萬。急趨清華。以擒其將。此必勝之要道也。」茂治從之。十一月。敬典越海入靈場海口。攻破淳祿弘化等縣。師燦等使人告急于檢。檢使祿郡公回救清華。合與師燦世卿等及莫兵戰于油場。莫兵佯北。師燦等追之。敬典縱伏兵圍之。數重。師燦等自料不敵。突出重圍入山。而脫祿郡公獨戰莫將。刺死之。官軍大敗。莫將欲圖淮取閏。檢回至石城。乃退。

己巳十二年。莫崇康四年。封檢爲上將太國公。尊爲尚父。帝弟黎翰陰有異志。潛入宮中。盜藏寶璽。及獲赦之後。又犯法殺人。涇裁縫之妻而殺其夫。逮捕治之。廷臣按律科罪刺面六字。廢爲庶人。

秋九月。端郡公阮潢自順化入朝。檢奏下。行鎮撫順廣等處。

庚午十三年。莫崇康五年。鄭檢病死。僭號爲明康大王。詔長子鄭檜代領兵權。檜自縱酒色。志益驕溢。不恤士卒。由是將校離心。其弟松與端武侯黎及第菜郡公潘公績等定計夜奔安場行在。密奏帝移人萬賴關內。分兵據守壘門。翌日。檜親督安郡公賴世卿。渭郡公黎克慎。進至關門內駐營。投書往來。彼此言多不遜者七日。帝使諭之。講和。世卿等不肯。帝乃命諸將拒之。檜見累戰不克。自回泝營。會所屬將佐曰：「關內有軍。境外有賊。倘有急變。難與相拒。乃下令分據險要。師燦守靈場。會朝海。

門世卿守支隆神符。阮師尹守瑜江玉甲各海門以防莫寇。黎克慎阮有揅等屯江岸以防關內諸將突擊。布政州人立郡公失名見檢死。檜兄弟不和。清華擾亂。乃降于莫。莫賜爵先。郡公使向道先行。莫使敬典侵清華。敦讓莫延科等入神符。阮倦與玉璫入靈場支隆會潮各海門。並于筆崗取齊至河駐營于河間兩岸。煙火連天十餘里。檜度不能支。乃率世卿師尹及家小等迎降于莫。敬典納之。賜爵忠良侯。辰師燦欲棄本營入安場關從帝。但士卒願降莫。不肯相從。鑠不得已歸莫。莫賜爵水郡公。世卿棄營引兵遁入永寧。越錦水入安場關。黃廷愛駐兵金杯江。將本部兵移據多稔冊。率克慎有揅等俱引兵入安場關。帝封松爲長郡公。統兵討賊。松會諸將指天爲誓。分守各處以防莫師。莫兵諸道並進。烏江自甕關而下。梁江自捧律而下。自恃將多卒銳。欲并吞驩愛之地。乃督將士日夜急攻。由是江左自柳州蠶州江右自雷陽農貢源頭俱爲戰場。幾陷于莫。十月。莫兵與官軍相拒于保樂隆崇江。敬典累戰不克。退守河中營。師燦密使人上書乞負罪歸朝。帝得書乃督兵出中路守瑞原安寶至東山駐營。廷愛公績等出石路守雷陽農貢。略定廣昌地分師燦率本部五百人夜三更棄營侵晨到東山御營謁拜請罪。帝慰勞之。再仍舊職。復至松營謁見泣訴舊情。自此軍聲大振。帝使造浮橋于安列江下流。過金杯與松統兵渡江與金紫徑逾淳祐進擊莫諸營。敬典累戰不勝。乃撤寨而回。檜與其母鄭檢夫人與家小及賴世美張國華等業已降莫。不敢歸。乃率子弟男女千餘人浮海隨敬典赴京降莫。石郡公阮倦出衆詣闕。頓首請罪。師尹回據玉山。不肯歸順。帝遣黎及第從間路至玉山襲之。師尹先知之下。船夜遁降于莫。敬典寇乂安時。乂安之人久畏賊威。又遠隔官軍。不能相救。多降于莫。由是大河以南俱爲賊有。上相元郡公阮伯駟聞賊至。望風而遁。宏

郡公與賊將阮倦等相拒力不能支棄船走入化州爲賊所獲大河以北復爲賊有自是賊勢復振帝使晉郡公鄭模業郡公潘公績往救乂安莫兵退回乂安復定

哀牢主乍斗獻寶物求婚帝欲與隣國和好乃以帝妃前女封玉花公主

社長文  
儒所生

嫁之

壬申洪福元年

莫崇康七年

春正月帝祀天地于南郊捧香爐禱天畢爐忽倒于地上知其爲不祥乃

改是年爲洪福元年三月黎及第謀殺鄭松常誘松乘舟浮于江中以囚之松知之其謀不果自是

兩家相怨外雖叶力討賊內各懷疑以防奸刺渭郡公黎克慎反復歸降莫松收其子恂忱等殺之

帝命萊郡公潘公績經略順化慰勞將士及至其境多致意于阮潢潢亦以兵來會爲之設晏盡叙

昔日之辭甚歡及還潢親送之

帝生五子一女

長黎柏

即主來母雷陽縣三閭社人黎氏玉桂

次黎榴

即主理與柏同母

第三黎

梗即主東母農務冊人黎氏玉駢

第四黎松

即主

第五黎潭

即世宗

一女玉札公主

與松同母嫁貢

郡公黃廷逢

黎及第謀殺鄭松松佯不知多以金遺之及第來謝松先伏劍斧手于幕下執而殺之聲言及第謀

反帝使誅之時耿勗延彥言于帝曰松兵勢强大陛下難於並立帝乃夜幸于外將栢榴梗松四皇

子與俱至乂安城刦瓢處駐蹕松與諸將迎第五皇子立之是爲世宗

世宗毅皇帝

諱潭英宗第五子母東山布衛人綏慶皇太后阮氏玉艷以正治十年十一月生帝育于瑞原廣施時父皇英宗遜于乂安帝以幼穉年方六歲不預從鄭松迎而立之在位癸酉至己亥凡二十七年嘉泰四年光興二十三年壽三十二歲

葬東山社花岳陵附茂治二十年自壬辰光興十五年削平僞莫至癸巳而天下一統

嘉泰元年春正月朔帝卽位

時洪闕皇帝播遷于父安。柏樹梗松四皇子皆從之。鄭松遣楊國公阮有僚等進兵至城。帝避于蔗田。僚等拜曰。請速還宮。臣等無敢異心。乃迎駕以歸。使榜郡公宋德位。安定快樂。等扈從日夜皆行。二十二日還至農貢縣都舍社。史作還至雷陽。松使宋德位陰逼是日帝崩。陽言自縊。蔗田之幸。松罪通天綱常至此矣。嘉泰冲年爲松脅制。生殺廢置在其掌握。是後鑿家徒擁虛器而已。

十月命仁國公武公紀回鎮大同。辰敬典扶莫茂治歸昇龍城。使南道將阮倦侵乂安。大河以北皆陷于莫。宏郡公與戰不勝。棄船陸走到布政<sup>烏</sup>阮倦所獲。斬之初。鄭松、鄭柏同一派見。松兼制内外。常與黎及第陰謀殺松。謀泄及第被誅。柏獲罪常有不足之心。復與鄭永紹陰謀殺松。事泄繫獄。松母塗之子阮氏力救之得免。後柏陰養妖術巫人。又圖葬其父于禁地。事覺坐絞。

莫封蒞王莫履遜長子莫琪爲興禮王。莫遣阮倦侵乂安。敬典侵清華。安定瑞原藍江。玉璣進擊雷陽東山各縣。松命榮國公黃廷愛范文快救雷陽農貢東山住兵先沐山。命阮僚等並進招山住兵。敬典率兵大戰于安定東里。有僚率奇兵逐之。命鄭模潘公績等救乂安。阮倦俘公績而還。敬典復進攻瑞原藍江。使玉璣進攻安定銅鼓江。使阮倦侵乂安。與鄭模相持。模數戰不勝。遁回清華。至玉山縣。阮倦追及擒之。敬典侵銅鼓江。鄭松出快樂壘相拒。莫兵破會上營。阮有僚截擊破之。又戰于河都。宋德位墜象。幾爲莫兵所獲。鄭柏驅兵救之得免。敬典將兵回京邑。官軍亦回安場營。莫冊錦衣衛署衛事富山侯武文溪女武氏橫爲正妃。

光興元年。茂治被雷降于宮中。半身不遂。後醫治復愈。乃改是年爲延成初年。莫敬典侵清華。松使鄭柏大戰于奉公橋。莫兵死不可勝數。乃回京邑。玉璣侵宣光興化校州物州。仁國公武公紀大戰

破之。莫兵大敗，引還。敬典侵清華至河中，宋江犯章閣，松遣鄧訓拒于太堂，大戰于金甌山，訓潛進宋山出平和江，目山截其後。莫兵大敗而還。莫謙、王敬典卒。敬典仁厚勇略，聰明敏達，履歷艱險勤勞，忠誠生子九人，人生女九人，長敬止封唐安王，次敬直封忠謹公，敬敷封端亮公，敬簡封惠誠公，敬遵封勇義公。

敬慎封達禮公，敬恭封敦厚公，敬體封匡輔公，敬邦未封，長女玉璣良郡上主，玉琯宜郡王主，玉璽安郡上主，玉琰陽郡上主。幼女三歲未封，養女玉琬封仙郡上主。莫授其輔政，應王敦讓統領兵權，使徵兵掠清華。敦讓遂越海泊廣昌縣唐囊山駐兵，松命黃廷愛統領諸將禦之，俘賊將阮公振、郡公扶邦侯等于陣前。賊兵大敗，敦讓收殘兵回京邑。阮公乃阮僚之甥，松赦罪，復歸有僚撫養。後封為嵩郡公。茂治被青盲暗目，徧求良醫，療治數年，病愈復明。松自督兵出天闕，攻破美良石室、安山諸縣。兵至柴山而還，留裨將昭郡公在廣舍市。莫兵追及之，遂死于陣。安場大火，辰風急火猛，延燒軍營鋪肆數千家，煙焰障天。自午至申，火始息。松母阮氏阮塗之次女，阮潢之姊，鄭檢之妃，亦被燒死。莫改瑞泰爲興治元年。松出兵庸葛關，攻長安天闕諸縣。兵至安謨安康渡，正大江，至楊武寨，襲擊賊柵。新郡公瓊郡公僅以身免。鄭松督兵渡江，進至千春寺，將至仁睦橋。茂治驚棄昇龍城渡珥河，至菩提居于土塊館，留大將分守城門。松督兵過蘇瀝江，至仁睦橋住營，射堆處分命阮僚、鄭檉等攻榔橋道，直進西門。黃廷愛、鄭桐等破纏橋道，直進南郊門。鄭杠等進破夢橋，直進木橋門。松自進至紅梅駐兵，辰茂治雖已渡江，猶恃長江之限，先作防備，差西道將阮玉、譚守保慶門以西至日昭。裴文奎陳百年據榔門，過夢橋門直至纏橋門。南道將阮倦據莫舍以應救，諸道兵馬茂治自督水軍據珥河以爲聲援。松發砲三聲，諸將夾攻自己至未，未分勝負。松自督戰，士氣百倍。文奎百年等力不能支，軍自潰竄。玉譚驚遁，阮倦伏兵不及起，反死于纏橋之外。倦子

保忠義澤及手下精兵。各自力戰。俱死于陣。倦力乏。走回本營。爲官軍所獲。俘獻軍門。松解其縛。待以賓客。慰勞再三。語及前人豢養恩義。不忍加害。倦面報慚伏自歎曰。敗軍之將不可以語勇。天已亡莫英雄。難施其力。松嘉其言。後倦死于獄中。是日。莫收殘卒。畫長江以自守。松至彰德駐營。由豐江造浮橋。以濟師。分兵略清池上福富川等縣。親自督兵略慈廉丹鳳福詠先豐麻美安山石室而回。茂治日肆遊蕩。荒縱酒色。辰裴文奎妻阮氏年阮倦之第三女。有姊茂治。見其美而悅之。乃謀囚文奎以求其妻。文奎覺之。乃率本部兵自回長安嘉遠擁兵不出。茂治召之再三不至。乃遣將兵逼問之。文奎將兵抗拒。遣其子奔清華行在投降。松使黃廷愛先進救文奎。至嘉遠福來俗日沛項。文奎見救兵至。乃迎拜于軍前。廷愛使文奎將本部兵守潭江渡。莫見文奎降。復有大兵來救。乃退守天派江。松督兵出長安。文奎來謁。松慰勞之。賜爵美郡公。使領本部兵與莫相拒。莫使義國公節制。南道兵進擊之。兵至潭舍江渡。松下令渡江。三軍爭渡。黃舍江至安快黔鼓山駐兵。莫兵屯天派江據守瑞偉渡。松遣文奎潛洩舟出江口。以攻其上流。石砲手沿河夾射。以攻其下流。士兵渡河截戰于中流。義國公棄船而遁。士卒奔潰。收殘卒回京邑。據自然州。官軍造浮濟江駐營懿安縣。後進兵平陸縣。次于塞橋。丁舍社。莫陳百年投降。賜爵定郡公。松進次青威精神州。兵出喝江口。水陸並進。玉礮陳船拒之。軍官擊破之。玉礮棄舟陸走至三島山下。官軍長驅至昇龍城南門。茂治逃走海陽金城縣。松進兵海陽。追勦莫黨。至芙蓉縣。師次柳涇。遣太郡公阮百年督率定郡公陳百年。美郡公裴文奎等。攻破金城縣。莫棄城遁走。大軍擒得太后而歸。至菩提。莫太后以憂死。松命茶郡公范文快等略定浦賴江。進勦安勇武寧等縣。辰茂治棄舟步行至鳳眼縣。逃竄模圭寺。凡十

一日官軍至鳳眼。有村人向道引入寺中。見茂治坐自若。軍校詰問。茂治暗啞。曰貧僧自少修行燒香事佛。樂作功德。軍校見其辭遁。仍執之。茂治自知幾不可隱。乃叙寔情。向來隱竄山林。饑渴殆甚。乞酒一瓶。以瀉一渴。既而嘆曰業障太深。求爲匹夫不可得。厥咎由祖業。致使子孫罹罪極甚。軍士追及三妓女並執之。以象載之。還京獻俘。生梟三日。斬于菩提。傳首清華萬賴行在。釘其兩眼置于市。以戒纂弑之罪先是。茂治使其長子全權監國事。僭號武安。及茂治既俘。人心不服。復歸附莫宗室。確禮公敬止。莫全自遁。爲軍官所獲。辰敬止竄居東潮。至是復收殘卒。據青林。僭位于至靈南澗。稱號保定。又改康佑。於是莫宗室敬敷。敬誠。敬慎等。及男女大小數百人。與舊臣文武相率歸之。草立行在。出榜招民。呼吸之間。諸縣響應。兵至七萬人。分置內外左右。割據諸縣。以拒軍官。松命阮百里裴文奎陳百年阮義等將兵猝至。敬止襲擊于江中。百里不及戰死于江中。阮義中劍倒在船上。士卒急救得免。文奎百年等各自潰奔。於是京北海陽復附于莫。古本紀載附莫。僭自恭帝。丁亥統元六年。答庸僭位。明德元年。傳五世。至壬辰洪寧三年。茂治被擒。又繼以癸巳確禮公敬止自稱嘉佑。迄于其亡。凡六代。前後共六十七年。識云。莫得於亥失於亥。蓋登庸以丁亥年篡位。至茂治以癸亥亡國。果有驗云。

癸亥十六年。是歲莫亡。正月九日。敬止據青林。鄭松督諸將水陸並擊之。敬止及宗族男女皆竄山林。大兵進至東潮。至靈等縣。俘獲安山王。敬誠。宏量。公莫履等。盡斬之。進到至靈分兵追哨擒敬止於安廣處。橫蒲縣新萌寺。一說東潮雷音寺。及敬敷。敬慎。敬簡。敬遵。武安。莫全等。皆斬之。傳敬止首詣清華萬賴。行在。

〔未完〕